

AD RELIGIOSOS LEC- TORES ORDINIS PRÆDICATORUM.

VT PRIMVM R. ADM. P. N. IN SACRA
Theologia Mag. Fr. Damianus Ignatius Regil.
Prior Provincialis huius almæ Provinciæ governa-
cula communibus votis suscepit, pro Religioso, quo sem-
per flagavit zelo, & maximo, quò à suis incunabulis Pro-
vincia splendor viguit, promovendo: Opere pretium du-
xit regularem observantiam sanctam tectam quæ proviribus
asservare. Et cum hoc inter præcipuas sui regiminis cu-
ras, maximum duceret, inexactis huius finis opportu-
nis medijs totus incubuit. Matura autem deliberatione
præeunte nihil aptius visum fuit ut relaxationi aditus om-
nino præcluderet, quam si ab extranearum personarum in-
terventu, religiosa gubernatio immunis servaretur. Hoc
se ex intimo cordis affectu desiderare, omnibus Religiosis
adstantibus inculcavit. Ut autem id quod ardentius exop-
tabat, facili negotio tandem assequeretur, quamvis de op-
tima subditorum indole plura, & potiora consideret,
velabilis memoriæ conditio, viam prævaricationi pararet,
perpetua in scriptis admonitione, oblivionis excusatio-
nem rejicere tentavit. Pontificia ergo Diplomata, quæ
antea codice parvo exarata, toti innotescabant Provin-
tiæ, & statutis diebus convenientibus fratribus lege-
bantur, iterum typis excudi præcepit. Hoc enim fieri in-
tellexit ut poenæ, & censure in recurrentes ad extranea-
rum personarum auxilia, fulminata, in omnium memo-

ria & observantia afixæ manerent. Cum autem à secretis essem Capituli, mihi iniundum fuit, ut prædicta pontificia Diplomata iterum prælo mandarem, quod libenter animo exequendum promissi: tum ut R. Adm. P. N. Prior Provincialis voti sui compos efficiatur: tum ut Provincia, cuius sum filius, antiquum regularis observantiae splendorem sine detrimento diu retinere valeat. His ductus rationibus & in me collatis beneficijs obærat, exiguum hoc obedientiae munusculum huius almae Provinciae dilectissimo Patri, & vigili Pædato dicendum censui, adhibita quantum in me est diligentia ut quanto citius, omnibus mendis exclusis, pro communi utilitate prodeat in lucem. Valete memores nostri in orationibus vestris.

*Fr. Aug. Rodriguez Mag. Student.
Et Secretarius Capitali.*





NOS EL DOCTOR D. IOSEPH

VARON DE BERRIEZA CHANTRE DE LA Santa Yglesia Cathedral desta Ciudad. Cathedratico de Visperas de Sagrada Theologia en la Real Vniversidad de San Carlos desta Corte, Comissario Apostolico, subdelegado general de la Santa Cruzada, en ella, Iuez Provisor, Gobernador, Vicario General, y Examinador Sinodal deste Obispado; Por el Illmo. y Rmo. Señor Mrô. D. Fray Manro de Lariategui, y Colon; del Sagrado Orden del gran Patriarcha de las Religiones todas N. P. S. Benito, por la Divina Gracia, y de la Santa Sede Apostolica Obispo de Guathemala, y Verapaz; del Consejo de su Magestad y su Predicador, &c.

POr la presente Damos, y Concedemos Licencia, la que de derecho se Requiere, y es nesefaria; al Rmo. P. Presentado Fray Juan de Riura, del sagrado Orden de Predicadores, Prior Prouincial de su Prouincia de San Vicente de Chiapa, y Guathemala, Examinador sinodal deste Obispado. Para que pueda dar y de ala Ymprenta el quaderno intitulado *Ordenacion, ô confirmacion, del Capitulo general, celebrado en Roma por su sagrada Religion*, por el Año pasado de mil seis cientos y cinquenta. Aterto â que hauiendo presentado el dicho quaderno manq escripto, fuê remirido de nuestro mandato al M. R. P. Mrô. Antonio Baltierra de la Sagrada Compañia de

JE.

4.

JESVS, y que consta de su parecer estar copiado fiel y legalmente; y segun el original que se imprimio en Roma al tiempo y quando se celebrô el dicho Capitulo General, y no tener cosa que se oponga â nuestra Santa feê, y buenas costumbres. Dada en la Ciudad de Santiago de Guathemala, en Veinte de Febrero de mil setecientos y onze Años.

Doctor D. Joseph Varon de Berrieza.

Por mandado del Sr. Prouisor
Governador de este Obispado.

Guillermo Martinez de Pereda
Notario maier.



8.

TENOR CONFIRMATIONIS 8. CAPITVLI
Generalis Romæ celebrati Anno
Jubilei. 1650.

CVm recursus ad favores Principum, Magnatum, aliorum que extraneorum pro gratijs impetrandis, pœnis evadendis, aut Superiorum præceptis eludendis omnem monastici regiminis nervum destruant, & ut emphaticè definitivit Capitulum Romanum 1589. Inde Religionis ruina oritur, eiusdem status, atque tranquillitas summoperè perturberetur, distributiæ Iustitiæ aditus intercludatur, ambitioni via aperiatur, & demum indigni (ut potè audaciores) virtute præditis, ac bene meritis in sua se humilitare, ac modestia continentibus interdum præferantur; ideo in tantæ pestis remedium confirmamus, & confirmando innovamus quid quid præceptorum censurarum, ac pœnarum contra huiusmodi recurrentes, aut adversus obedientiam ordinis favore secularium, & quorumcumque extraneorum (etiam Principum) se se tuentes, uspiam reperitur fulminatum à Capitulis Generalibus, ac specialiter ab ultimo Capitulo Valentino confirm. 8. quarum præcipuæ sunt *excommunicatio lata sententiæ*. Bononiæ 1410. Friburgi 1419. Metis 1421. Barcinone 1323. Avenione 1470. Venetijs 1437. Lugduni 1536. Romæ 1589. Denique Valentiniæ 1647. *à qua nequit absolvere, etiam is, qui aliàs generalem licentiam habet absolvendi à Censuris, & cāsibus reservatis*. Bononiæ 1410. *suspensio ab omnibus functionibus Sacerdotalibus*, Ferrariæ 1362. *Privatio omnium suffragiorum Ordinis, tam*

6.

in vita, quam in morte. Parisijs 1269. Mediolani 1270. *Privatio omnium gratiarum, beneficiorum, officiorum, graduum, vocis activa, & passiva, bonorum que ad usum concessorum.* Parisijs & Mediolani. Cit. Cadurci 1319. Rothomagi 1320. Romæ 1501. Mediolani 1505. Vene-
tius 1437. Lugduni 1536. *Nomen infame destructoris Ordinis, in Monte pelsulano* 1456. *Perpetua ac indispensabilis inhabilitas ad quemcunque gradum, vel dignitatem Ordinis.* Romæ 1571. Barcinone 1574. Cui accessit Decretum Gregorij XIII. denunciâtum Romæ 1580. & 1589. *Pena gravioris culpa, & carceris Constitut, distinctione* 2. cap. 12. text. 9. inchoata in Monte pelsulano 1271. Confirmata apud Pestum 1273. Et declarata Vir-
duni 1356. Colonia 1301. & 1428. Lugduni 1318. Cadurci 1319. Rothomagi 1320. Et iterum in Monte pelsulanô 1350. Denique contra induratos, ac pertinaces *maledictio omnipotentis Dei, Divæ Virginis Mariæ, & Sancti Patris Nostri Dominici.* Basileæ 1473. Caveant ergo Fratres à crimine, pro cuius eliminatione tot genera-
lia Ordinis Capitula vident, tam anxie, concorditer que sudasse, ac suis deinceps consulant non tantum conscien-
tijs, ac internæ salutis, sed & famæ cæteræque indem-
nitati.

Porro Superiores quoque & prælati meminerint (prout iam pridem eos monuit Capitulum Romanum 1239.) se absque mortali peccato insupradictis non posse quidquam concedere ad interuentum, seu instantiam quarumcumque personarum extranearum, etiam Cardinalatus, vel Regiæ dignitatis honore fulgentium, maxi-
mè

mê post mandatum in virtute sanctæ Obedientiæ ipsi im-
positum à Gregorio XIII. quod à Clemente VIII. die
23. Martij 1592. in Constitutionem perpetuò valituram
confirmatum, eodemque anno Uenetijs denunciatum, ex-
inde à Paulo V. die 7. Ianuarij 1608. roboratum fuit,
vt denunciatur Romæ anno eodem, & Ulissip. 1618.
quod vt accuratè perpendant, ac securitati suæ consci-
entiæ consulant, admonentur Mediolani 1622. Utque
delinquentibus in hac materia pœnas commeritas sine
remissione infligant, contraque trasgressorès seruata forma
Iudicij per Clementem VIII. privilegiata procedant, ad-
siringuntur citata Confirmatione 8. Capituli Valentini.

Rôgamus autem Reuerendissimum Magistrum Or-
dinis, vt in exemplum cæterorum inferiorum Ordinis
Prælatorum seuerissimè, & inflexibiliter obseruantia hu-
ius Apostolicæ Constitutionis insistat, Fratres quorum
cumque extraneorum interpositione apud ipsum vientes
ex toto legis rigore castiget, ac Prouinciales, aliosque
Superiores quicumque ad extraneorum interuentum quid
quàm eiusmodi suis subditis indulserint, sine mora, ac
respectu, Officijs priuent.

Denique ne legis tam sanctæ, ac necessariæ memo-
ria obliterari, aut ignorantia qualiscumque allegari que-
at, Volumus quòd in vnum collectis, atque impressis
omnibus, quæ de hac materia, vel à Summis Pontifici-
bus, vel à Capitulis Generalibus, aut Magistris Ordinis
statuta reperiuntur, eadem in omnibus nostris Conuen-
tibus, & Religiosis Communitatibus bis in anno, scili-
cet prima hebdomada Aduentus, & prima hebdomada
post

post Octauas Trinitatis publicè coràm omnibus prælegantur sub pœna absolutionis ab officio ipso facto in currenda Priori, vel Superiori hoc negligenti. Vbi etiam inter alia cupimus illud cum primis attentè notari, quòd non tantùm eiusmodi fauorem apud Extraneos procuratio, sed & eorundem, vel sponte oblatores acceptatio, atque vsus per citati Gregorij XIII. decretum à Clemente VIII. & Paulo V. confirmatum summa destriptione inhibeat.

*QVÆ VERO CIRCA HOC EMANAVERE
APOSTOLICA DECRETA HÆC SVNT.*

**GREGORIVS PAPA. XIII. AD FVTURAM
REI MEMORIAM.**

CUm nihil magis Religiosorum statum perturbet quàm fauorum, & suffragiorum secularium nuncupatio, & conquisitio; quibus Superiorum æqua mens, qua pro meritis suorum vnique subditorum tribui debet, peruertatur. Nos malum hoc ab ordine Fratrum Prædicatorum, cuius prosperum regimen, & incrementum ad Ecclesiæ sanctæ vtilitatem sinceris exoptamus affectibus, pro nostra Pastoralis sollicitudine propellere summopere cupientes, Dilectis filiis Magistro Generali, ac Prouincialibus, & reliquis eiusdem Ordinis Prælati, nunc & pro tempore existentibus, per Apostolica scripta, & in virtute sanctæ Obedientiæ præcipimus, & mandamus, ne ad instantiam & requisitionem quarumcumque personarum, tam laicarum, quàm Ecclesiasticarum

Casticarum, extra supradictum Ordinem constitutarum,
 etiam Cardinalatus honore, ac quacumque seculari dig-
 nitate, & excellentia, etiam Ducali, Regali, & Impe-
 riali fulgentium, cuiusvis dicti Ordinis Religioso ullam
 gratiam concedere, vel pœnas aliquas remittere audeant,
 seu præsumant, quinimo quoscumque eiusdem Ordinis
 Fratres, & Religiosos, qui contra decreta suarum Con-
 stitutionum hac via, & ijs medijs, per mendicatos fa-
 uores, & suffragia, aliquid sibi procurauerint, ad talia
 & similia, & etiam maiora in eodem Ordine consequen-
 da, Apostolica auctoritate, tenore præsentium, inha-
 bilitamus, ac inhabiles perpetuo fore, & esse neque per
 quoscumque, nisi per Sedem Apostolicam, rehabilitari,
 aut cum ipsis desuper dispensari posse, sicque per quos-
 cumque Iudices ordinarios, & delegatos, etiam causarum
 Palatii Apostolici Auditores, ac Sanctæ Romanæ Eccle-
 siæ Cardinales, sublata eis, & eorum cuilibet, quouis
 aliter iudicandi, & interpretandi facultate, & auctoritate
 iudicari, & definiri debere, irritum quoque, & inane
 quidquid contra præmissa aliquibus concessum fuerit,
 aut super his à quoquam contigerit attentare, auctoritate,
 & tenore prædictis decernimus, & declaramus. Non obs-
 tantibus Constitutionibus, & ordinationibus Apostoli-
 cis, ac dicti Ordinis, etiam iuramento, confirmatione
 Apostolica, vel quavis firmitate alias roboratis, sta-
 tutis, & consuetudinibus, privilegijs quoque indol-
 tis, & literis Apostolicis quomodolibet concessis, con-
 firmatis, & innovatis (quibus omnibus eorum tenore,
 ac si de verbo ad verbum incererentur, præsentibus pro-
 fu-

sufficienter expressis, habentes, ad eorundem præsentium effectum specialiter, & expressè derogamus) cæterisque contrarijs quibuscumque. Volumus autem, quod præsentium transumptis, etiam impressis manualicuius publici Notarij subscriptis, & sigillo dicti Magistri Generalis obsignatis, eadem ubique fides adhibeatur, quæ ipsis originalibus litteris adhiberetur, si forent exhibitæ, vel ostensæ. Datum Romæ apud Sanctum Petrum sub annulo Piscatoris die primo Junij. M.D.LXXX. Pontificatus nostri Anno nono.

Cas. Glorierius.

PRÆFATUM GREGORIJ DECRETVM CLEMENS Papa UIII. in hunc modum confirmavit.

**CLEMENS PAPA VIII.^{us} AD PERPETVAM
REI MEMORIAM.**

Religiosos viros, sicut honorum gradus, cum ad eos assumuntur, obedienter suscipere, susceptosque humiliter administrare oportet, sic ad eos mendicatis secularium præsertim studijs, aditum sibi patefacere minimè nouerint. Cum itaque fel. rec. Gregorius Papa XIII. prædecessor noster per suas in forma Breuis literas, die primo Junij 1530. Pontificatus sui Anno nono, datas Magistro Generali, ac Prouincialibus, & reliquis Ordinis Fratrum Prædicatorum prælatis, tunc, & pro tempore existentibus, in virtute sanctæ Obedientiæ, mandauerit, ne ad instantiam, & requisitionem quarumcunque personarum,

tam

iam Laicarum, quàm Ecclesiasticarum extra supradictum
Ordinem constitutarum, etiam Cardinalatus honore, ac
quacumque seculari dignitate, & excellentia, etiam Duca-
li, Regali, & Imperiali, fulgentium, cuius dicti Ordinis
Religioso ullam gratiam concedere, vel pœnas aliquas re-
mittere auderent. Quinimo quoscunque dicti Ordinis Fra-
tres, & Religiosos, qui contra decreta sua um Constitu-
tionum, hac via, & ijs medijs, per conquistos fauores, &
suffragia aliquid sibi procurauerint, ad talia & similia, ac
etiam maiora in eodem Ordine consequenda perpetuò in-
habiles etiam declarauit, prout latius in eisdem literis
continetur. Cumque, vt accepimus, à nonnullis ambi-
gatur, an sub gratiarum vocabulo gradus, honores, digni-
tates, officia, & munia Ordinis præfati comprehendantur.
Nos Ordinis prædicti quieti, ac Religiosorum illius salu-
ti opportunius consulere, aliasque in præmissis providere
volentes, ac litterarum præfatarum, nec non Decreti Ca-
pituli Generalis eiusdem Ordinis in executionem earun-
dem litterarum facti, quod incipit. *Quamobrem singulos nos-
tri Ordinis Prælatos admonemus*, veriores, ac totos tenores
præsentibus pro expressis, ac ad verbum insertis habentes.
Motu proprio, ex certaque nostra scientia, ac de Aposto-
licæ potestatis plenitudine litteras, ac decretum huius-
modi, ac in eis contenta quæcumque Apostolica auctorita-
te tenore præsentium perpetuò confirmamus, & approba-
mus, ac illis perpetuæ, & inuiolabilis firmitatis robor
adijciimus omnesque & singulos tam iuris, quam facti, &
alios defectus, si qui in eis interuenerint, supplemus. Et
nihilominus præfatam Gregorij, de gratijs, vt præfertur,
per

per mendicatos fauores minimè concedendis prohibitio-
nem ad quoscumque gradus, honores, dignitates, officia,
administrationes, functiones, Prælaturas eiusdem Ordinis
perpetuo extendimus, & extendi deuere decernimus. Et
propterea dilectis Magistro Generali, Prouincialibus, &
alijs Prælati, ac Superioribus eiusdem Ordinis, ne post
aliquod præmissorum cuiquam ad instantiam, seu requisi-
tionem, vel contemplationem personarum superius expres-
sarum quarumcumque quouis modo concedere, Religio-
sis verò, ac Fratribus eiusdem Ordinis quibuscumque,
non solum in præmissis omnibus secularium fauorem mini-
mè procurare, sed nec etiam spontè oblatum, aut ab eis
minimè procuratum recipere, & similiter, ne ad hunc ef-
fectum munera aliqua secularibus impendere, vel exhibere
audeant, vel præsumant, auctoritate Apostolica tenore præ-
sentium in virtute sanctæ Obedientiæ, ac sub eisdem pœ-
nis in dictis Gregorij litteris contentis præcipimus, & ex-
pressè interdicimus, & prohibemus, eisdem auctoritate,
& tenore statuentes, quod omnes, & singuli in præmissis
delinquentes nulla alia monitione præcedente, & absque pro-
cessu desuper habendo sententias & pœnas huiusmodi dam-
nabiliter incurrisse legitimè probandum, & animo conuin-
cendum, solæ præmissarum personarum instantiæ, fauores,
& preces etiam ore tenus porrectæ plenam, indubiam &
sufficientem in iudicio, & extra, fidem faciant, nec ad id
probationis alterius adminiculum requiratur, sicque ab
omnibus eiusdem Ordinis Superioribus, Prælati, & per-
sonis, ac alijs Iudicibus ordinarijs, & delegatis, sublatis eis,
& eorum cuilibet quauis aliter iudicandi, & interpretandi
fa-

facultate, vbique iudicari, & diffiniri, ac interpretari debere, ac irritum, & inane si secus super his à quoquam quauis auctoritate scienter, vel ignoranter contingerit attentari perpetuò decernimus, & statuimus. Non obstantibus Constitutionibus, & ordinationibus Apostolicis, distique Ordinis statutis, & consuetudinibus, etiam iuramento, confirmatione Apostolica, vel quavis firmitate alias roboratis, ac omnibus illis, quæ dictus Gregorius prædecessor in præfatis litteris voluit non obstare, cæterisque contrarijs quibuscumque. Volumus autem, vt præsentès litteræ in quibuscumque Capitulis, tam Generalibus, quàm Prouincialibus, & Conuentualibus vt in singulorum notitiam facilius deueniant, publicentur, & inter statuta, & ordinationes ipsius Ordinis perpetuò obseruandæ describantur, eorumque exemplis, etiam impressis, manu Secretarij, & sigillo Magistri Generalis, vel manu alicuius Notarij publici, & sigillo alterius personæ in dignitate Ecclesiastica constitutæ munitis, eadem, quæ præsentibus fides vbique adhiberi debeat. Datum Romæ apud Sanctum Petrum, sub Annulo Piscatoris, die vigesimatertia Maij Millesimo quingentésimo nonagesimo secundo, Pontificatus Nostri, Anno Primo.

M. Vestrius Barbianus.

VTRVMQVE AVTEM APOSTOLICVM DE
cretum Confirmavit Paulus V. Pont. Maxim. in hunc modum.

Paulus Papa V. ad perpetuam rei memoriam.

D

AD

AD monemur Pastoralis Officij nostri debito diligentius prospicere ne Religiosis ad Dignitates, & Officia per emendicata suffragia ambitiosus pateat accessus. Alias siquidem felicitis recordationis Gregorius Papa XIII. prædecessor noster per suas in forma Breuis litteras die prima Junij MDLXXX. Pontificatus sui anno Nono datas Magistro Generali, ac Prouincialibus, & reliquis Ordinis Fratrum Predicatorum Prælati, nunc, & pro tempore existentibus, in virtute sanctæ obediendiæ mandauit, ne ad instantiam, & requisitionem quorumcumque personarum, tam laicarum quam Ecclesiasticarum extra supradictum Ordinem constitutarum, etiam Cardinalatus honore, & quacumque sæculari dignitate, & excellentia, etiam Ducali. Regali, & Imperiali fulgentium, cuius dicti Ordinis Religioso ullam gratiam concedere, vel pœnas aliquas remittere auderent: quinimmo quoscumque dicti Ordinis Fratres, & Religiosos, qui contra decreta suarum Constitutionum, hac via, & his medijs per conquisitos favores, & suffragia aliquid sibi procurauerint, ad talia, & similia, ac etiam maiora in eodem Ordine consequenda perpetuò inhabiles etiam declarauit. Et subinde cum à nonnullis ambigeretur, an sub gratiarum vocabulo gradus, honores, dignitates, officia, & munia Ordinis prædicti comprehenderentur, similis memoriæ Clemens Papa Octauus etiam prædecessor noster per alias similes litteras die 23. Maij 1592. Pontificatus sui anno primo datas, priores litteras prædictas, & in eis contenta quæcumque approbavit, & confirmauit, ac prædictam Gregorij de gratijs, vt præfertur, per

per mendicatos fauores minimè concedendis, prohibitionem ad quoscumque gradus, honores, dignitates, officia, administrationes, functiones, praelaturas eisdem Ordinis, perpetuò extrahit, & extendi debere decreuit: & propterea dilectis filiis Magistro Generali, Provincialibus, & alijs praelatis, ac Superioribus eiusdem Ordinis, ne in posterum aliquod praelatorum cuiquam ad instantiam, seu requisitionem, vel contemplationem superius expressarum personarum quorumcumque quouis modo concedere: Religiosis verò, ac Fratibus eiusdem Ordinis quibuscumque, non solum in praelatis omnibus saecularium fauorem minimè procurare, sed nec etiam spontè oblatum, aut ab eis minimè procuratum recipere: Et similiter ne ad hunc effectum munera aliqua saecularibus impendere, vel exhibere auderent, vel praeferrent, in virtute sanctae obedientiae, sub poenis in dictis Gregorij praedecessoris litteris contentis praecipit, & expressè interdixit, ac prohibuit, prout in singulis litteris praedictis plenius continetur, &c. Nos, &c. Motu proprio, & ex certa scientia, ac de Apostolica potestatis plenitudine dictorum Gregorij, & Clementis praedecessorum praedictas litteras, & in eis contenta quaecumque, eorum tenores praesentibus pro expressis habentes, Apostolica auctoritate tenore praesentium perpetuò confirmamus, & approbamus, ac illis perpetuae, & inuiolabilis firmitatis robur adijcimus, &c. Non obstantibus Constitutionibus, & Ordinationibus Apostolicis, distique Ordinis statutis, & consuetudinibus, etiam iuramento, confirmatione Apostolica, vel quauis firmitate alias roboratis,

16.

BA 157
R696a

62-619
JULY 61
AAS

ceterisque contrarijs quibuscumque, &c. Volumus autem, quod præsentium litteratum exemplis, etiam impressis, manu alicuius Notarij publici, & sigillo alicuius personæ in dignitate Ecclesiastica constitutæ munitis, eadem fides ubique adhiberi debeat, quæ præsentibus adhiberetur, si exhibitæ forent, vel ostensæ. Datum Romæ apud Sanctum Petrum sub annulo Piscatoris, die 7. Ianuarij 1608. Pontificatus Nostri Anno Terrio.

Scipio Cobellutius.

Fr. Damianus Ignatius Regil Mag. & Prior Provincialis.

Fr. Aug. Rodriguez Mag. Student. & Secretarius Capitalis.

En Guathemala por el Alferes *Antonio de Pineda Ybarra*,
Año de 1711.

Y por su original en la Imprenta de *Sebastian de Arebalo*,
Año de 1739.

